

15
1575
1



冊八
葉報
號美
函三

門 15
號 1575
卷 1

王阮亭先生著

池址偶談

文粹堂藏板

池址偶談序

山崎

藏

予所居先人之敝廬西為小圃有

池焉老屋數椽在其北余宦游三

十餘年無長物唯書數千卷度置

其中輒取樂天池址書庫之名之

池上有亭形類畫舫曰石帆者

歸業山房

歸業山房

予暇日與客坐其中。竹樹颯然。池
水清澈。可見毛髮。游儻浮沈。往來
於寒鑑之中。顧而樂之。則相與論
文章流別。晰經史疑義。至於

國家之典故。歷代之沿革。名臣大儒
之嘉言懿行。時亦及焉。或酒闌月

隨。間舉神僊鬼怪之事。以資嗚嚶。
商及游藝之末。亦所不遺。吹葦從
傍記錄。日月既多。遂成卷軸。因憶
二十年来官京師。所聞見於公卿
大夫之間者。非甚不暇。未嘗不筆
之簡冊。敬在篋中。未遑編刻。一日

乃出胤齒之餘畫。寸見萃摠次第
為一書。迨其條目。曰談故。曰談獻。
曰談藝。曰談異。其無所附麗者。稍
以類相從。凡廿六卷。藏之家塾。
示吾子孫。大之可以畜德。小亦可
以多識。實乎博矣。昔聞諸聖人之

言矣。康熙辛未秋。漁洋山人王士禛序。

辛巳長至。海寧門人陳_矣禧書。

池北偶談卷一目錄

談故四之一 凡六十六則

鑾儀衛

特賜進士及第

部曹入詞林

二程後

上考

配享

經筵日講

復內閣

傅而都嘉利亞國

起居注

藥樹監搜

俄羅斯

兄弟九列

父子尚書

父子同時顯貴

父子宰相

父子尚書

戊子北榜三及第

甲午浙榜三狀元

德清蔡氏二狀元

戊戌三及第

蘇州會元狀元

崑山徐氏三及第

同邑一榜及第

僚壻狀元

一邑甲科之盛

全椒吳氏兄弟

父子學士

兄弟學士

特恩賜會試

長洲彭氏二及第

難蔭異典

兩五經入翰林

士魯番表文

北岳祀典

却鸚鵡

祭酒題名

司業題名

補鄉試

坐次

翰林結銜

中堂

起居注

郊勞

禁師生

初選方面

賜生員金

賜御筆講義

巡方

土黑勒威勒

翰林卿寺屬

大中

閱江樓

發陵

督撫內陞

會元解元入翰林

京堂

伯高

外國封使

殉葬

試錄齒錄

布政陞尚書

闕諡

歐陽從祀

文武互用

學士贈尚書

卷一目畢

池北偶談卷一

談故

濟南王士禎阮亭著 高都姪廷掄簡菴較

鑾儀衛

本朝鑾儀衛鑾儀使秩二品朝制武臣不乘肩輿康熙六年
鑾儀使王鵬冲上疏陳請奉旨王鵬冲著與尚書等遂張
蓋肩輿視六卿矣鵬冲精鑒別書畫古器直隸長垣人前冢
宰永光子也

特賜進士及第

戊戌春 世祖親覆試江南丁酉貢士以古文詩賦拔武
進吳珂鳴第一是年禮闈榜後 上諭特賜珂鳴進士與

中式舉人張貞生等一體殿試尋改庶吉士同時崑山葉方
藹試瀛臺賦甚工上深喜之踰年己亥秋復行會試葉
中式賜一甲第三人及第

部曹入詞林

郎中與司業較俸陞內院侍讀自張允欽始內院詞臣與臺
省一體年例外轉監司自宋之繩始尋皆罷不行吏部自十
八年停內陞與五部一例選郎金拱敬以加銜僅得太僕寺
丞康熙九年始復故云

二程後

康熙八年車駕幸太學後允御史傅世舟請求二程子
後於河南撫臣以明道二十一代孫宗昌伊川代孫

延祀名上俱爲五經博士如朱坤例坤欵文公裔也十二年
衍聖公孔毓圻疏請以子張子裔孫顛孫好賢爲博士某年
湖南巡撫請以濂溪裔孫周冕爲博士部議皆格不行

上考

癸卯甲辰之間更定內外官考滿之例營競紛然未數年輒
罷因話錄載裴充爲太常寺太祝語卿長日本設考課爲獎
勤勞若一以官高下爲優劣則卿合上上考少卿合上中考
丞合上下考主簿合中考協律合下考某等合喫杖語雖諧
謔實切情事古今一轍可歎也

配享

宋初定帝王廟配享功臣多不愜人意者如魏武以荀攸程

景配文帝以賈誦王朗配唐玄宗配享不及曲江廣平肅宗配享不及汾陽鄴侯皆不可解

經筵日講

康熙庚戌七月 上召翰林學士熊賜履至瀛臺進講道千乘之國一章繼講務民之義一章 上大喜隨命取經筵日講儀注以進是歲十月有 旨諭禮部帝王圖治必稽古典學以資啓沃之益經筵日講允屬大典宜卽舉行爾部詳察典例擇吉具儀來奏

復內閣

康熙九年十月內院復爲內閣復翰林院官屬一遵順治十五年之舊以圖海巴泰爲中和殿大學士兼吏部尚書索額

圖李燾爲保和殿大學士兼戶部尚書魏裔介杜立德爲保和殿大學士兼禮部尚書對哈納爲文華殿大學士管刑部尚書事折爾肯哈占爲中和殿學士塞赫達都爲保和殿學士馬朗古張鳳儀爲文華殿學士靳輔爲武英殿學士田種玉爲文淵閣學士陳敦永爲東閣學士折庫納熊賜履爲翰林院掌院學士俱兼禮部侍郎

傳而都嘉利亞國

康熙己酉大西洋傳而都嘉利亞國貢使瑪訥撒爾達聶入貢有 旨該國從來未通中國凡賜賚皆加一等其人物貢物與荷蘭略同

起居注

康熙十年二月講筵初開工部尚書王熙翰林學士兼禮部侍郎熊賜履進講大學康誥曰克明德章及尚書人心惟危道心惟微二句三月禮科給事中吳國龍疏請復設起居注得旨報可

藥樹監搜

文昌雜錄載元相詩松門待制應全遠藥樹監搜可得知云唐時殿門外有藥樹監察御史監搜之位在此焉唐制百官入宮殿門必搜御史掌之太和中乃下詔宰臣奏事停其監搜云康熙初御史李秀奏請百官佩刀雖上殿奏事亦爾後李御史棠疏罷之

俄羅斯

俄羅斯國以順治十七年遣使入貢不知正朔自稱一千一百六十三年

讀王弇州所記有明盛事及徐應秋談薈所載因憶本朝盛事數則記錄於左

兄弟九列

真定梁公清寬清遠清標兄弟相繼為吏部侍郎清標歷戶禮兵刑四部尚書大拜清寬清標皆給事中維木子清遠山東僉事維樞子皆前吏部尚書夢龍曾孫

父子尚書

宛平王公崇簡以太子太保禮部尚書致仕子熙以禮部侍郎加尚書遷左都御史兵工二部尚書大拜公時六十餘尚

無恙

父子同時顯貴

掖縣張尚書忻以大司寇家居子文安公端拜相年三十六
滄州戴尚書明說為戶書子編修王綸以順治乙未及第第
二人王縉戊戌進士官御史

父子宰相

高陽李公蔚前明文敏公國樞子大名成公克鞏前明文穆
公基命子皆父子宰相

父子尚書

靈壽傅大司空維鱗前明太宰永淳子父子皆尚書

戊子北榜三及第

順治戊子順天鄉試第四名張永祺壬辰榜眼及第第五名
戴王綸乙未榜眼及第第八名熊伯龍己丑榜眼及第

甲午浙榜三狀元

順治甲午浙江熊鍾陵讀學伯龍主試一榜狀元及第者三人

乙未史大成鄞人甲辰嚴我斯歸安人庚戌蔡啓傳德清人

德清蔡氏二狀元

康熙庚戌狀元蔡啓傳壬戌狀元蔡升元俱德清人升元即
啓傳從姪

戊戌三及第

順治戊戌鼎甲三人常熟孫承恩鹽城孫一致全椒吳國對
皆江南人皆中甲午順天榜

蘇州會元狀元

順治以來蘇州會元六人乙未秦斌長洲人丁未黃初緒崇明人癸丑韓葵丙辰彭定求乙丑陸肯堂丁丑汪士鏞俱長洲人狀元七人戊戌孫承恩常熟人已亥徐元文崑山人丁未繆彤吳縣人癸丑卽葵丙辰卽定求己未歸允肅常熟人乙丑卽肯堂兼會狀者三人

崑山徐氏三及第

崑山徐氏兄弟三人長乾學康熙庚戌探花及第刑部尚書次秉義癸丑探花及第右庶子次元文順治己亥狀元及第以戶部尚書大拜同胞三及第前明三百年所未有也惟宋李宗諤子昭邁昭邁子果卿果卿子士廉三世探花及第

同邑一榜及第

順治己亥狀元徐元文榜姓陸探花葉方藹皆崑山人丁未狀元蔡啓傳榜眼孫在豐皆德清人明崇禎癸未榜眼宋之繩探花陳名夏皆溧陽人

僚壻狀元

武進楊修撰廷鑑呂閣學宮僚壻也一明崇禎癸未狀元及第一順治丁亥狀元及第廷鑑二子大鵬已亥庶吉士按察使大鶴已未諭德

一邑甲科之盛

本朝一邑科第之盛者無錫壬辰狀元鄒忠倚乙未探花秦斌長洲籍秦又會元也已亥榜眼華亦祥榜姓鮑甲辰探花周弘榜姓秦崑山三徐兄弟及第外又有己亥探花葉方藹德清庚

戊二及第外又有丙辰榜眼胡會恩壬戌狀元蔡升元常熟
戊戌狀元孫承恩丙辰探花翁叔元己未狀元歸允肅

全椒吳氏兄弟

全椒吳氏兄弟同胞五人其四皆進士長國鼎前癸未進士
官中書舍人三國縉順治己丑進士四國對順治戊戌進士
榜眼及第官翰林侍讀五國龍亦前癸未進士官禮科都給
事中國對國龍孿生也國龍子晟康熙丙辰進士曷辛未進
士榜眼及第

父子學士

桐城張禮書英兼翰林院學士掌院事子廷瓚同時官翰林
侍讀學士又同爲日講官

兄弟學士

華亭王左都鴻緒先爲內閣學士二兄項齡九齡皆翰林侍
講學士

特恩賜會試

順治乙酉鄉試山東法若真以五經疏聞於朝特旨授中
書舍人仍與會試丙戌遂入翰林其弟若貞同科進士給事
中

長洲彭氏二及第

長洲彭氏定求丙辰狀元寧求壬戌探花同會祖兄弟

難蔭異典

順治中御史張煊以忤溧陽相死

世祖皇帝親政後特

以其子諸生基遠爲太常少卿累陞兵部侍郎外遷蘇松兵備副使康熙中直督尚書朱昌祚直撫尚書王登聯中法死上親政後其子頌寬以朱之子紱爲兵部督捕理事官王之子盛唐爲大理寺少卿

兩五經入翰林

康熙丁卯順天鄉試海寧查嗣韓候宮林文英皆以五經疏聞特賜舉人明年戊辰俱中式嗣韓榜眼及第文英庶吉士

土魯番表文

土魯番自順治十三年入貢至康熙十二年國王瑪墨忒塞伊忒韓復遣其臣兀魯和隆等獻馬其表略云土魯番國王

某上言於乃聖乃仁天下治平 皇帝陛下恭惟 皇上一統攸同何異於古之占什特惠澤羣生相同乎昔之達刺汗法紀軍威比隆於楷黑塞勞聰明格物媲美乎伊思謙達爾皇上睿知天錫如日升之無不照 皇上撥亂爲治如月恆之無不臨旌旂閃爍超越乎墨烏威爾皇恩浩蕩實出於度量寬仁國祚無疆而萬國咸寧洪福靡際而皇圖應運後稱一千八十三年二月二十八日予昔在禮部見荷蘭暹羅琉球諸國表文用金花箋文義皆如中國或謂是閩粵人代作也

北岳祀典

五岳皆祭於山獨恆岳祭上曲陽自漢宣帝神爵元年始而

恒山實在渾源州相傳舜望於山川北至大茂山大雪不能前有石飛墮遂祀焉即今曲陽廟廟石長不滿丈闊僅四尺餘漢陽蘇穀原祀侍郎疑石晉後燕雲陷遼宋遂遙祀於此然史漢唐書之文明甚不始宋也沈存中筆談云北岳謂之大茂山半屬契丹以大茂脊為界岳祠舊在山下石晉之後稍遷近內今祠乃在曲陽云蘇說本此也明弘治中馬端肅公會請改祠於山事下禮部竟格於倪文毅公按南園漫錄云倪公父謙常奉命祀曲陽禱於神神指旁侍一人與之遂生公因名岳以是固執不肯改祀云順治十七年上允刑科給事中粘本盛之請罷曲陽廟祀祀渾源千年因循之訛至是始釐正焉

却鸚鵡

康熙二年西邊大帥某得黃鸚鵡以黃金作籠表上上却其獻嚴飭之

祭酒題名

國初設祭酒滿洲一員蒙古一員漢人一員順治十七年裁去蒙古祭酒其滿洲祭酒題名始見馬味起順治元年迄康熙四年七月凡二十二年阿都里起四年迄七年賈祿起七年迄十二年四月宜昌起十二年迄十七年阿禮朔起十七年迄二十二年漢祭酒題名李若琳天啓壬戌進士順天大興人薛所蘊崇禎戊辰進士河南孟縣人胡統虞崇禎癸未進士湖廣武陵人高珩癸未進士山東人李呈祥癸未進士山東人王崇簡癸未進士順天宛平人諡文貞李爽棠順治丙戌會元及第順天大興人單若魯丙戌進士山東人

高密沙澄丙戌進士山東臨沂人 馮溥丁亥進士山東臨沂人 吳偉業崇禎辛未進士山東臨沂人 張士甄己丑進士順州人 金鉞壬辰進士順州人 章雲順州人 張士甄己丑進士順州人 李中白丁亥進士順州人 李儀古己丑進士直隸人 綦汝楫乙未進士高密人 陳欽承乙未進士浙江海寧人 文安單若魯補任熊伯龍補任王守才軍漢人時更易官制漢宋德人 宜乙未進士 江南長 李仙根辛丑進士及第 楊正中戊戌進士 通州人 徐元文己亥狀元及第 沈荃壬辰進士及第 馮源濟乙未進士順州人 王士禛乙未進士及第 李元振辛丑進士及第 馮源濟乙未進士順州人 翁叔元丙辰進士及第 曹禾甲辰進士及第 汪霖丙辰進士及第 天涿州人 吳苑壬戌進士及第 張榕端丙辰進士及第 孫岳頌壬戌進士及第 人 南欽縣人 江 張榕端丙辰進士及第 孫岳頌壬戌進士及第

司業題名

國初設司業滿洲二員蒙古一員漢人一員順治十七年裁去蒙古司業其滿洲司業題名東四旗司業李虎沙傅達禮白清額後任陝西巡撫副都御史尹布葛思泰後累陞總督川陝兵部侍郎拜山西四旗司業蟒吉兔鄂代曹爾和花善滿都虎達釐漢人司業題名薛所蘊羅憲汶崇禎癸未進士江西南昌人 劉肇國癸未進士湖廣潛江人 呂繼祖順治丙戌進士及第 李爽棠單若魯王熙順治丁亥進士順州人 曹本榮己丑進士湖廣黃岡人 姜元衡己丑進士湖廣即墨人 張永祺壬辰及第順州人 楊永寧壬辰進士山西聞喜人 陳欽承乙未進士順州人 馬晉允戊戌進士浙江餘姚人 張貞生戊戌會元江蘇西廬陵人 熊賜履戊戌進士湖廣孝感感人 熊賜瑛戊戌進士湖廣孝感感人 宋德宜李仙根胡簡敬乙未進士江南涿陽人

人田麟壬辰戊戌進士楊正中吳國對戊戌進士及第杜臻
遼東自在人
戊戌進士直隸安平人
陳廷敬戊戌進士王颺
江秀水人
吳本植戊戌進士李天馥戊戌進士吳本
昌戊戌進士譚篆廣景陵人蘇宣化己亥進士周之麟己亥
植補任王封濛廣黃岡人蘇宣化己亥進士周之麟己亥
浙江蕭山人
葉方謫己亥進士蔣弘道己亥進士朱之
佐己亥進士張玉書辛丑進士王維珍庚戌進士田喜
霽辛丑進士劉芳詰辛丑進士彭孫適己亥進士徐
倬癸丑進士彭定求丙辰狀元及第董闈癸丑進士江
倬補任秦宗游己未進士吳灝壬戌進士彭會淇丙辰
江南溧陽人
張豫章戊辰進士及第
按國初官制祭酒陞內閣學士後品級考既定遂陞讀講學

士多或一年少或數月即遷去至康熙十二年重定品級考
改讀講學士為五品祭酒仍舊四品與讀講學士較俸陞遷
故崑山徐公任祭酒者餘三年陞內閣學士兼禮部侍郎以
去華亭沈公繼之時復設詹事府遂陞少詹事兼侍講學士
康熙初詹事府兩坊衙門既裁史官必歷司業然後得陞侍
讀時侍講故編修檢討無不為司業者率不數月即遷去康
熙十四年復設坊局於是修撰編檢多陞中贊而司業與之
較俸陞讀講諭洗亦非三年餘不得遷矣祭酒司業自國初
未有題名予任祭酒與宛平劉公議補其闕因誌梗槩云

補鄉試

自庚申己後諸僭逆以次削平各省次第補行鄉試故福建

有庚申科主考戶部郎中劉元勳大理寺評事白夢鼎廣西
貴州皆壬戌科廣西主考翰林院編修喬萊刑部員外郎楊
佐國貴州主考翰林院編修沈旭初戶部主事陸鍾呂雲南
四川皆癸亥科雲南主考翰林院編修米漢雯戶部主事高
瑄四川主考翰林院編修方象瑛史部文選員外郎王材任

坐次

詹事府少詹事舊與掌詹同三品在京得乘四人肩輿後重
定品級考改爲四品在朝班列左右通政大理少卿下至大
朝則三宮詹與大學士內閣掌院學士都御史列坐殿上兩
坊掌坊庶子侍讀侍講諭德爲諸官皆五品翰林而坐太
常太僕少卿順天府丞爲廬爲四品之上是又不論品級

崇卑也壬戌癸亥間詹事府翰林蔣裕菴弘爲少詹皆四人肩
輿則以講官加正詹收耳

祭酒四品與讀講學士較俸陞遷朝班則坐諸學士下兩坊
庶子上康熙二十一年正月賜宴乾清宮座次在東面西
與朝班同二十年七月賜宴瀛臺在南面北則序坐於太
常卿僉都御史下太僕卿光祿卿上

翰林結銜

今翰林官結銜獨列散官於本官之下如詹事祭酒等官則
散官在上與部院諸司無異按周宗伯識小編云唐翰林學
士皆以他官兼故學士結銜在本官下五代後唐置端明殿
學士以趙鳳馮道爲之後鳳遷禮部侍郎因求宰相任園升

學士於本官之上，蓋示貴重耳。宋因之，惟宰相則否。本朝翰林列散官於本官之下，與諸司異，亦祖此意。若官坊以上兼翰林官者，皆列兼官於本官之下，散官亦列於上，不復與翰林同矣。翰林故事相沿，多不知所出，惟此考據為詳。又按五代會要云：初置端明殿學士名目，如三館之例，職在官下。及趙鳳轉侍郎，令人諷任園，移職在官上，至今為例。

中堂

明洪武十五年，設內閣大學士，上命皆於翰林院上任。十八年，又命殿閣大學士、左右春坊大學士，俱為翰林院官。故院中設閣老公座於上，而學院學士反居其旁，諸學士稱閣老曰中堂。以此按湘山野錄，錢希白見王冀公欽若，戲曰：中堂遂有如此宰相乎？又聞身壽富節公與康節食筍，公曰：未如中堂骨董之美。云云元王惲秋澗有中堂事記，記元初中書省事皆前此矣。

起居注

明初甲辰年，設起居注，秩正四品。以宋濂魏觀為之。吳元年，改正五品。後革。十四年，復設，改正七品。以單仲立為之。久之，復革。萬曆初，張位始請復設。江陵相定議，以修撰編檢史官充日講者，日輪一員，記注起居兼錄聖諭詔冊等。今日之制，即本江陵遺意也。蓋明初起居注別為專官，而萬曆後乃歸之史官爾。然今制自掌院掌詹以下，皆得充起居注，官不專。史官此其異也。按唐六典，起居郎二人，從六品上，掌錄天子

之動作法度以修記事之史屬門下省起居舍人二人亦從六品上掌錄天子之制誥德音以修紀言之史屬中書省此卽古左右史之分職至明而合爲一官今仍之耳

郊勞

安親王平湖南康親王平閩粵章泰貝子平滇黔凱歸

上皆郊勞於盧溝橋西二十里諸王都統滿漢大學士尚書侍郎阿思哈尼哈番以上大臣皆從既至詰朝天行三跪九叩頭禮諸王大臣及出征王將軍等隨行禮畢上御黃幄諸王大臣侍班鴻臚寺引出征王將軍等朝見行三跪九叩頭禮禮畢賜茶回京

禁師生

唐人五代最重座主門戶之禮明代尤甚萬曆中門戶旣成一爲師生終身以之惟嘉靖八年張璁霍韜爲主考戒諸生不得修弟子禮本朝沿明之舊順治十五年戊戌科給事中胡悉寧建言鄉會試不分經房不稱師生至康熙十八年己未科始復分房舊例而師生之禁仍舊

初選方面

順治己丑會試後以兩廣初定需人遂用新進士候銓者二甲授叅議三甲授知府進士釋褐卽爲四品監司郡守蓋鄉例也然止此一科爲然

賜生員金

康熙二十二年春二月駕幸五臺駐蹕完縣召父老慰問

賜金有蔡丹桂者自陳縣學生員家貧無以爲養 上命
講飛龍在天利見大人及德輶如毛毛猶有倫句稱 旨賜
白金五兩金盤蘋婆果六枚仍諭曰爾當努力讀書開卷有
益也事載西巡日錄

賜 御筆講義

初 上以御筆頒賜內閣翰林起居注諸臣卽部院大僚
皆不得與惟刑書蔚州魏公象一拜賜耳康熙二十一年廣
西巡撫郝浴疏請頒賜 御筆清慎勤三大字部議僉其請
遂遣官徧 賜各直省督撫云壬戌翰林檢討汪楫中書舍
人林麟焟用封琉球癸亥翰林編修孫卓禮部郎中周燦冊
立安南亦以爲請皆獲旨賜琉球得守禮之邦安南得忠孝

守邦各四大字其講義 書經講義成例頒賜在京三品

大臣國子祭酒四品亦得拜賜在外則三品督撫及在籍三

品大臣亦與焉二十四年頒賜易經講義士禎以少詹亦得

拜賜汪今官福建布政使林今官
貴州提學道僉事皆予門人

世祖皇帝時時用部主事及中書舍人行人評事博士等官

假監察御史銜巡按各直省差竣都察院殿最之長者得內
陞京堂五品餘則仍回居本職不真授御史也後仍歸御史
而巡方亦停不遣康熙六七年間復用各部郎中以監察御
史銜巡視鹽課未幾復舊

士黑勒威勒

順治中百官罰俸者有土黑勒威勒之名康熙初尚沿舊制未久停止

翰林卿寺屬

太僕寺舊有丞後裁去增設滿洲員外郎八人翰林院本無主事起居注館既設增記注滿洲主事四人中書舍人六人

大中

明太祖初定天下建國號意在大中既而祈天乃得大明故當時錢文有大中通寶

閱江樓

友人紀伯紫鍾映金陵人嘗有詩云惆悵天涯頭盡白楊花空

滿閱江樓佳句也按此武幼欲於獅子山即廬山頂作閱江樓

先令儒臣作記故濟溪公集首有此文樓實不果作

發陵

康熙二十二年陝西平涼府盜發韓康王定王二冢法司按律擬罪上以發掘前代帝王陵墓特令加等因諭歷

代帝王陵應加守家人戶下九卿雜議并禁稱故明廢陵等語聖諭云凡云廢者必如高煦等有罪廢為庶人然後可

彼生為藩王誰廢之耶上之仁明如此

督撫內陞

康熙中總督內陞者秦督莫洛刑部尚書漕督帥顏保工部尚書浙督李之芳兵部尚書川陝總督哈占兵部尚書浙閩總督王隲戶部尚書浙閩總督王國安刑部侍郎巡撫內陞

者廣東巡撫馮甦、安徽巡撫薛柱斗、山東巡撫張鵬、貴州巡撫田雯、俱刑部侍郎、甘肅巡撫巴錫、工部侍郎、伊圖、戶部倉場侍郎、江蘇巡撫余國柱、左都御史、貴州巡撫楊雍建、兵部侍郎、山東巡撫徐旭齡、工部侍郎、江蘇巡撫趙士麟、兵部督捕侍郎。

會元解元入翰林

世祖極重科名，自丙戌迄己亥，會試第一皆入翰林。惟丁亥李人龍不與，後以閣薦為中書舍人。壬辰程可則以磨勘被黜，乙未邑同年伊翁菴闕舉進士，引見南海子，上頤學士曰：此人山東解元也。遂改庶吉士，後授御史，官至都御史。巡撫雲南，自辛丑至庚戌，又一變，康熙癸丑，上以會

元韓炎為狀元，榜中解元者改庶常，丙辰亦以會元彭定求為狀元，乙丑以會元陸肯堂為狀元。凡一榜解元亦然。遂為定例。人遭逢固有幸不幸也。按夢梁錄，宋時中省魁者殿試有陞甲恩例，前十名亦如之。

京堂

京堂本以待吏部科道官內陞者，無徑授之例。康熙中張靖逆侯、勇子雲翼、馬文毅公、雄鎮子世濟、陳海巡、啓泰子汝器，皆授大四品。廣西平樂進士袁景星、陳忠愍公福弟壽，皆授小四品。趙都督應奎子衍祥、許都督占魁子登隆，皆授五品。

伯高

檀弓，伯高死於衛，赴於孔子。孔子曰：云吾哭諸賜氏，遂命子

貢爲之主曰爲爾哭也來者拜之知伯高而來者勿拜也金陵白評事仲調夢爲湯陰王東臯伯吏部門生康熙丁巳吏部卒於家計聞京師仲調爲位而哭又於蕭寺中受弔凡弔者拜之如子弟執父兄之喪蓋古禮云

外國封使

國朝聲教之遠梯航至者數十國而受封遣使者惟安南琉球二國安南又凡三遣始則康熙三年諭祭黎維禋奉使者侍讀學士程芳朝繼則康熙五年冊封黎維禋奉使者編修吳光也六年八月維禋逐都統使莫元清奪其諒山高平地元清奔皈朝兩廣守臣以聞七年遣使宣諭則侍讀李仙根職方主事楊兆傑爲正副使琉球封王順治中遣給事中張

學禮行人王垓爲正副使居閩數年罷歸康熙初復遣時張已改御史王已遷戶部郎中矣康熙十二年暹羅請封

上以海道寫遠命以 敕印付其使臣帶往於事理甚便而亦不失柔遠之體按嘉靖二十年降安南國爲安南都統使司仍以莫登庸爲都統使國初定粵莫敬耀來歸未受爵卒授其子元清都統使黎維禋亦來歸未受封卒子維禋立康熙五年冊封維禋安南國王康熙二十一年琉球安南復入貢遣編修孫卓儀制司郎中周燦往安南檢討汪楫中書舍人林麟焜往琉球二十三年暹羅復入貢云

殉葬

八旗舊俗多以僕妾殉葬朱御史小晉裴始建議禁止得

旨允行。朱歷官至戶部侍郎。

試錄齒錄

科場試錄齒錄其來已久。東觀奏記載鄭顥知舉宣宗索科名記。顯屬祠部員外郎趙璘採訪諸家科目記撰成十三卷。始武德元年至大中十年。敕付翰林。自今放榜後並寫及第姓名及所試詩賦題目。進入內仍仰所司逐年編次。明三百年鄉會試并沿其制。康熙初停止。至庚戌會試乃復舊例。鄉會試錄仍進呈。乙卯鄉試以兵餉不足再停止。尋又復。

布政陞尚書

李文達公天順口錄載天順二年以山東布政使陸瑜為刑部尚書。四年以朝覲官布以使蕭暉為禮部尚書。又欲以布政使賈銓為戶部尚書。不果。明盛時中外用人如此。天啓時以布政使張五典為兵部尚書。則以其子御史銓死節。蓋異數也。本朝順治中布政使往往入為侍郎。康熙初定品級考。布政使內陞止於太常光祿卿。而不及太僕何也。

闕諡

予鄉啓禎名臣闕諡者如鍾司空龍淵。羽正畢司徒白陽。白巖曹司空見素。珙先太師大司馬霽字公象。乾其尤著者曹通議葆素。珍司空之兄也。躬行實踐號為醇儒。品不在龍淵先生之下。然名位稍卑。例不得諡。竊謂朝廷易名重典亦顧其人何如耳。今例尚書以上乃得諡。國史三品以上乃得立傳。其以名位湮沒者多矣。近王給諫北山。高疏請死節諸臣不必拘

定品級皆當予諡以鼓忠義之氣其論最正格於部議不行
歐陽從祀

今言嘉靖中議祀典進后蒼文中子胡瑗歐陽修四人從祀
歐陽以濮議故故乎敬特進之也予謂歐陽公人品學術亦
自不愧然以世廟君臣之私進之則謬矣公之生也以此負
謗其歿也以此從祀所謂求全之毀不虞之譽者也

世祖御書

西山新法海寺前對裂帛湖 世祖皇帝翠華駐此瞻眺
湖光因賜今名殿有巨碑刻敬佛二字筆勢飛動 世祖
御書也

文武互用

本朝用人器使有不拘文武資格者以武臣改文職如順治
中總兵官李國英改四川巡撫後爲總督川陝兵部尚書總
兵官胡章改山東右布政使遊擊王肇春黃明改知府以文
臣改武職如莊浪道叅議朱衣客改隨征四川總兵官吏部
侍郎陳一炳戶部倉場侍郎周卜世前總督浙閩兵部侍郎
劉兆麒俱改都督同知僉事等銜充山西山東直隸等處援
勦提督總兵官

學士贈尚書

本朝大臣身後例有恩卹或予諡而贈官者絕少康熙十八
年十一月翰林學士喇沙里卒以侍 講筵久特贈禮部尚
書諡文敏蓋異數云

池北偶談卷二目錄

談故四之二 凡五十則

鍾恭愍恩卹

五學士

李選侍

明熹宗

會議

不避廟諱

大名居士

讀講諭洗

張真人

有子

寧陵城

明太宗稱祖

翰詹官朝班

起居注

序秩

批旨

國初明史總裁

薦舉優異

四布衣

上賜

考察

賜衣

賜居第

明史開局

五十相

加侍郎銜

陳澹從祀

西園雜記之誣

內大臣

奪情

從祀疏

常叅

琉球入學

四相

大臣宮銜

建祠

土魯番表

蒙古表

御書

增起居注官

膳卷

綠頭牌

官年

柳條邊

朝鮮疏

特賜諡

諡典

琉球世續圖

題名碑

土地

卷二目畢

池北偶談卷二

談故

濟南王士禎阮亭著——高都姪廷掄簡菴較——

鍾恭愍恩卹

明景帝易儲鍾恭愍公同章恭毅公繪廖恭敏公莊皆極諫
恭愍公疏先入死杖下被禍尤慘至英宗復辟特擢恭毅禮
部侍郎恭敏復官大理少卿尋進侍郎成化中卒贈尚書而
恭愍止贈大理寺丞恩卹獨薄當時亦無言之者

五學士

國朝官制設內三院曰國史曰秘書曰弘文院各有學士一
員既設翰林院以內三院為內閣則止設閣學二員而別以

一人掌翰林院事，俱兼禮侍。康熙十九年庚申，乃有學士五人內閣。徐立齋元文、李容齋天禮、掌院葉初菴方、而張敦復英以講學內直，特陞翰林院學士李厚菴光，以軍功超擢學士。至是入京，陛見奉特旨入內閣，四公皆兼侍郎。葉則加尚書云。○近李諫臣應、王藻儒揆、李倚江枏、顧懿樸藻同時為內閣學士亦四人。李去陸義山業代之，王擢戶侍徐勝力嘉代之，陸乞休，韓慕廬葵代之，亦四人。

李選侍

明光宗朝選侍李氏，鼎革後尚存。至康熙甲寅歲五月十八日始卒。

明熹宗

有老宮監言，明熹宗在宮中，好手製小樓閣，斧斤不去手，雕鏤精絕。魏忠賢每伺帝制作，酣時輒以諸部院章奏進，帝輒麾之曰：汝好生看，勿欺我。故閣權日重，而帝卒不之悟。

會議

翰林記：正統十年始命內閣與六部都察院通政司大理寺堂上官六科掌印官會議，遂為例。如合會儒臣，則本院詹事府左右春坊司經局國子監皆與。國朝制：凡大事及章奏會議，內則親王貝勒大臣，外則九卿詹事科道，而內閣翰林院不與。詹事府凡事皆得與，坊局不與。

不避廟諱

唐避太宗御諱，率改世日代，予讀皮襲美文，數多不諱世字。

鹿門隱書一條云三王之代民知生而不知化五帝之世民知化而不知德又與元徵君書云懼來世聖人責乎無意於民又皆世民二字連用

大名居士

金史衛紹王本紀載尚宮左夫人鄭氏罵胡沙虎事贊云於金掌奏目女官大名居士王氏所紀得資明夫人援璽事附著於篇則金時宮掖蓋有記載女官矣

讀講諭洗

康熙中更定品級考後又定朝班坐次侍讀侍講班在諭德洗馬之上然凡郊廟祭祀諭洗皆與陪從而讀講則否及推陞祭酒則庶子與讀講皆得開列而諭洗則否又左右掌方

庶子正五品侍讀侍講學士從五品而庶子必陞講學皆品級考之宜加審詳者

張真人

隆慶中江西守臣言張氏職名賜甲不載典制宜未裁革詔革去真人之號以爲上清觀提點萬曆初復之相沿至今無釐正者使與衍聖公公然並列何哉

有子

萬曆初訓導侯貴上言論語成於有子曾子之門人子張不及有若進子張而坐有子於廡非是予嘗謂十哲未允當進有子而黜宰我冉有貴之言誠不易之論及予爲祭酒已具疏欲言之同人謂恐涉紛更而止至今以爲憾

寧陵城

侍講湯先生斌言初寧陵城小而卑呂新吾先生以刑侍家居謀大之縣人難於改作或生怨謗公曰三十年後當知吾意至流賊之亂適三十年矣境內百姓攜家入保者以數萬計縣人德之為立祠

明太宗稱祖

宋孝宗淳熙十五年太上皇崩洪邁請廟號世祖尤袤言光武以長沙王後布衣崛起不與袁平相繼稱祖無嫌太上繼徽宗正統以子繼父非光武比乃定號高宗明嘉靖十七年加上太宗廟號曰成祖豈未聞表之言耶

翰詹官朝班

翰林記載翰林院朝房在午門外右第六區殿閣大學士本院學士以下皆在焉詹事府在右第十八區詹事少詹事以下皆在焉今制內閣大學士本院學士詹事少詹事皆拜於殿上不與部院同班

起居注

康熙十年復設起居注館在午門內之西與實錄館相對其官則自掌院學士詹事以下史官以上皆得充之初止八人後增至十六人今桐城張公英以禮書兼掌院事亦為起居注官吏侍常書公兼掌院事亦然

序秩

翰林記凡修書考試等事書職名學士序於春坊大學士庶

子之上讀講學士序於諭德之上侍讀侍講序於府丞中允之上修撰序於贊善司直之上今春坊大學士府丞司直罷不設大抵學士在詹事之上學士兼禮部侍郎為三品詹事本三品而兼侍讀學士詹事在讀講學士祭酒之上庶子在侍讀侍講之上讀講在諭德洗馬之上陞遷則同較俸次庶吉士又次之

批旨

翰林記宣宗時始令內閣楊士奇等及尚書兼詹事夏原吉蹇義凡中外章奏用小票墨書貼各疏面以進謂之條旨中易紅書批出今謂之票旨尚沿其制而批紅則內閣學士之職

國初明史總裁

國初順治二年曾奉旨纂修明史大學士剛林祁充格范文程馮銓洪承疇李建泰為總裁學士詹圖賴袁伊圖甯完我蔣赫德劉清泰李若琳胡世安侍讀學士高爾儼侍讀陳具慶朱之後為副總裁郎廷佐等九員為纂修官

薦舉優異

康熙戊午薦舉文學洪洞進士范鄙鼎以病辭巡撫疏祭溫旨令遵前諭來京以副求賢至意比諸人至京又諭戶部月給銀米其不與五十人之選擇高年者授以官部議皆授司經局正字特旨改內閣中書舍人初太原傅山定興杜越年皆七八十以老病請於吏部不與御試故部議不

及特 旨傳山杜越等文行素著俱著授內閣中書右文之
盛古未有也

四布衣

上嘗問內閣及內直諸臣以布衣四人名字卽富平李因篤
慈谿姜宸英無錫嚴繩孫秀水朱彝尊也後公卿薦舉獨宸
英不得與繩孫目疾是日應制僅爲八韻詩閣中閱卷已不
錄 上特令與因篤彝尊二人同授翰林是時宸英方在
京師不免向隅信遇合有定命也閱卷四人大學士高陽李
公寶坻杜公臨胸馮公掌院學士崑山葉公

上賜

上優禮儒臣癸丑賜宴瀛臺翰林官皆與戊午士禎同陳葉

二學士內直時四五月間日頒 賜櫻桃蘋果及櫻桃漿乳

酪茶六安茶等物其茶以黃羅緘封上有六安州紅印四月

二十二日 賜天花特頒 御筆上諭云朕名卿等編纂適

五臺山貢到天花鮮馨罕有可稱佳味特賜卿等使知名山

風土地用烏絲闕書又 賜御書人二幅士禎得存誠二字

唐人張繼楓橋詩廷敬得龍飛鳳舞四大字唐詩一首

一條 方藹得存誠二字唐人崔國輔詩遺都別 賜士禎

石刻二幅一清慎勤三大字一格物二字 諭云去冬曾以

石刻賜經筵諸臣時爾士禎未與故特頒賜八月入直又同

陳葉張三學士和 御製賜輔國將軍俄啓詩仍命次日攜

名字印章入內各書一幅卽發養心殿裝潢隨 御筆同賜

之皆異數也

考察

翰林記載翰林官考察之法成化間本院學士會同內閣考察弘治元年令翰林官亦從吏部考察本朝翰林京察在吏部過堂例凡數變順治中請請論洗中贊司業以上皆後堂相見具迎送之禮康熙癸丑始在前堂過半堂呼官及姓不呼名至己未則自少詹讀請學士直呼名矣京堂官自僉都御史大理少卿左右通政亦皆呼名體統凌替非古制也

賜衣

翰林記載洪武十四年賜翰林官羅衣各一襲永樂中賜內閣七人一品織金紵絲衣康熙中每冬賜內閣及學士日

講起居注官貂裘人一襲自癸丑後滇黔用兵輟賜

賜居第

翰林記洪武中賜編修羅復仁居第宣德中賜楊溥第於東安門康熙丁巳上命左諭德兼修撰張英內直講書特賜第西華門內翰林院侍講高士奇亦然後杜編修訥亦賜第厚載門

明史開局

康熙十七年內閣奉 上諭求海內博學宏詞之儒以備顧問著作時閣部以下內外薦舉者一百八十六人十八年三月朔御試體仁閣下瘡璣玉衡賦者中選者彭孫適等五十人耕二十韻詩旨俱以翰林用開局編修明史候補少卿一人邵

吳遠改侍讀監司湯斌李來泰施閏章三人郎中吳元龍一人改侍講進士彭孫適申書舍人袁佑等授編修貢舉監生員布衣倪榮等授檢討以原任翰林院掌院學士徐元文爲監修官翰林院掌院學士葉方藹右春坊庶子兼侍講張玉書爲總裁官開局內東華門外

五十相

石林燕語云本朝宰相自建隆元年至嘉祐四年一百四十年凡五十人明崇禎十七年間命相亦五十人可以觀治亂矣

加侍郎銜

本朝監寺官加侍郎銜者絕少康熙元年以來惟欽天監管理曆法南懷仁加工部侍郎歿後贈禮部侍郎太醫院使馬之後歿後亦贈禮部侍郎

陳澹從祀

康熙二十六年江西巡撫安世鼎疏言宋儒陳澹南康府都昌縣人著禮記集說學者宗之當與程朱蔡沈胡安國並議從祀部覆陳澹禮經集說上有師承源流明白但性理精深之處未能遠逮程朱卽較之蔡沈胡安國亦覺有間且生平行實湮沒無考旣已專祀於鄉其著書立言之功亦足云報崇奉兩廡未敢輕議

西園雜記之誣

海鹽徐咸著西園雜記述嘉靖初議大禮極言張桂之論確

不可易諸元老大臣徒以大功出一書生不勝其憤不論事之是非義之當否相率羣相力排之非正公正當之論云云又載慈壽皇太后飾美姬數十人列左右以惑帝尤爲悖誕所謂不知世有廉恥事者矣

內大臣

本朝官制滿洲勳舊別有內大臣不爲閣部院官及八旗都統等官有軍國重事在禁中與滿洲大學士尚書等雜議謂之黑白昂那按唐制兩樞密使左右中尉稱內大臣然彼乃中貴實異而名同耳

奪情

奪情非盛德事唐宋名相多蹈之賢如曲江公亦所不免明新都楊文忠公屢疏力辭起復升菴謂國朝宰相不起復自公始前此三楊蹇夏諸名臣奪情者習爲故常不知何以李文達獨受惡名明末武陵奪情則有軍旅之事較之無事之時自可末減湘潭王山長菴常著說雪武陵之冤亦自有理然漳浦之論固萬古不易也

從祀疏

康熙二十年都察院僉都御史張吉午疏言故明翰林院學士方孝孺當建文靖難之際平居則剛道黜邪臨難則成仁取義能以理學爲天下倡其所著遜志齋集自程朱而後未多見也交部尚書羅欽順當正嘉之際學者蔑棄淵源談空好異欽順作困知記以正人心斥雜學似是之非明心性臺

釐之辨至萬曆啓禎間聖道式微異端益熾頓有光祿少卿
顧憲成都察院左都御史高攀龍倡正學於東林都察院副
都御史馮從吾倡正學於關右都察院左都御史劉宗周倡
正學於浙東皆能羽翼聖經發揮賢傳有功於理學名教並
當急議從祀以光大典但此六臣或阻於忌諱或扼於權
奸所以故明未及表章實為勝國之闕今正在纂修明史之
時伏乞 覃恩從祀登之學宮兩廡使天下知正學云

常參

文昌雜錄載宋時百官日赴文德殿東西向對立宰相一員
押班再拜退謂之常朝又云唐制京司職事官有朔望參有
五日參唯職事官五品并供奉官八品以上及員外郎監察

御史太常博士則每日參有常參官九參官六參官等云春
明退朝錄唐有職事者謂之常參今隸外朝不釐務者謂之
常參本朝順治中月凡六朝 世祖皇帝嫌其頻數定以
三旬逢五日常朝壬戌夏有 旨文武官每日五更入朝列
班午門外候部院啓奏官出始散歸署既而大理寺司務趙
時拊上疏言之尋有 旨九卿詹事掌印給事中掌道御史
如故餘并停趙杭州人

琉球入學

康熙二十三年冊封琉球翰林院檢討汪楫中書舍人林麟
焜等疏言中山王尚貞親詣館舍云下國僻處彈丸常慚鄙
陋執經無地嚮學有心精明洪武末樂年間常遣本國生徒

入國子監讀書今願令陪臣子弟四人赴京受業云事下禮部覆史載唐貞觀中興學校新羅百濟俱遣子入學琉球自明初始內附會典載大琉球國朝貢不時王子及陪臣之子皆入太學讀書禮待甚厚又載洪武永樂宣德成化間琉球官生俱入監讀書今該國王尚貞以本國遠被皇仁傾心嚮學懇祈使臣汪楫等轉奏願令陪臣子弟四人赴京受業應准所請聽其遣陪臣子弟入監讀書云時予為祭酒咨覆禮部略云查太學志載洪武二十五年秋琉球國遣其子及陪臣之子日孜等人監命工部給羅絹為秋衣冬琉球中山王遣其身仁悅慈等至永樂二年琉球中山王從子三五長夢等九人以謝恩至奏請入監給賜一如洪武中故事令工部建王子書房於監前以處之三年琉球山南王遣寨官子李傑至四年中山王遣寨官子石達魯等六人至其後李傑石達魯等每在監三年得乞歸省九年中山王遣王相之子懷德寨官子祖魯古至十一年遣寨官子周魯等三人至是年有奏歸省者命禮部厚賜以策其歸是後乞歸省或合候其使者還國以行永樂以後至於正德常三四遣至嘉靖五年中山王遣官生蔡廷美等四人至十一年歸國十七年遣梁炫等四人至二十三年歸國尋又遣蔡朝用等五人至今在南雍處以光哲堂歲時給衣物如例向慕文教琉球於諸國為最篤國家待之亦為最優云康熙二十七年琉球國王遣耳目官魏應伯等恭進朝貢方物又遣陪臣子弟梁成

楫鄭秉均阮維新蔡文溥等四人同貢使赴京入監讀書於
正貢方物外敬加屏風紙三千張嫩蕉布五十疋

四相

順治中閣臣無定員自康熙元年至今二十年漢大學士止
三人存內三院之舊也壬戌歲寶坻杜公臨朐馮公同致政
歸而宛平王公以前兵書大拜又兩月餘錢唐黃公以吏書
漢陽吳公以禮書同日大拜始有四相前此癸丑歲李杜馮
三公在內閣而孝感熊公以翰林學士大拜亦四相

大臣宮銜

自康熙元年以後閣部大臣無加宮銜者壬戌十一月以
太宗文皇帝實錄告成加武英殿大學士禮部尚書 公明
公俱太子太傅少傅保和殿大學士戶部尚書高陽李公太
子太師致仕太子太傅保和殿大學士禮部尚書寶坻杜公
太子太師致仕文華殿大學士刑部尚書臨朐馮公太子太
傅故太子太傅中和殿大學士吏部尚書都統公圖公追贈
少保仍兼太子太傅二十餘年所未有也

建祠

壬戌冬廣西巡撫郝中丞浴上疏爲死節前巡撫廣西都御
史贈兵部尚書諡文毅馬公雄鎮平蠻滅寇將軍巡撫廣西
兵部尚書諡忠烈傅公弘烈請建雙忠祠 詔允之疏略云
原任撫臣馬雄鎮當逆氛狂熾矢志不二幽禁三年罵賊而
死原任撫臣將軍傅弘烈仗義興師臨危不屈殺賊之心死

而益烈云一公真不愧俎豆者矣

· 土魯番表

康熙二十一年土魯番上言伏以我 皇上猶昔者斯堪達爾之君一統金甌北穆西特之君藻鑑五 亦若化日普臨率土景星光照萬靈抑猶哈地穆之君廣 恩惠汝思他穆之君勇力絕倫譬之矛鋒之銳龍爪之威莫敢正向而視茲者恭候 聖安切照前經遣發進貢烏盧火者會 上諭五年一次進貢欽此所以悞此進貢者原因臣國遭逢薙亂今年幸太平承遣亦思喇木火者前往進貢至於以後應進貢物合當照密爾焦地音阿克刺單進貢舊例但天朝建都極東臣國地居極西應否照舊進貢表請裁奪

蒙古表

康熙二十一年蒙古為請 旨事外藩蒙古王貝勒貝子公台吉等諸臣誠惶誠恐謹奏者向因逆賊吳三桂相率叛亂軍民極其荼毒幸我 皇上不憚身心之勞孜孜圖治仰見 天朝早臻太平是以祭告 太祖皇帝 太宗皇帝 世祖皇帝復上 太皇太后 皇太后徽號渙頒恩詔大赦天下爰加賜賚率土俱歡恭上我 皇帝尊號為至神大德治平天下聖皇帝伏祈 皇上俯准臣等所奏臣等不勝欣躍奉 旨朕自御極以來夙夜孜孜勤求化理期於中外乂安生民樂業今逆寇雖已蕩平治化尚未孚洽前諸王大臣等請上尊號已經有旨這藩王等所請亦

不必行該部知道

御書

康熙十九年以御書手卷賜日講起居注諸臣學士葉方
諱太極圖說詹事沈荃心經侍讀學士張玉書莊子說劍篇

增起居注官

辛酉四月增起居注日講官八人湯制峴蘇秦對巖松徐健

菴寬曹峨眉承王瑁湖頊朱竹垞尊嚴蕪漁繩潘稼堂未合

舊講官共十六人

膽卷

唐閭際美舖試蜡日祈天宗賦誤書衛賜作衛駟榜出登第
往參座主曰諸君試日天寒急景寫札或不如法恐文書到

西京須呈宰相請先輩各買好紙重來請印如法寫淨送納
抽其退本舊時直省小試解卷送禮部例須別膽淨本亦是
唐人遺意至鄉試朱墨原卷解部即不得爾

綠頭牌

國朝六曹章奏悉沿明制惟緊急事或涉瑣細者則削木牌
而綠其首以滿洲字書節略於上不時入奏取旨不下內
閣票擬謂之綠頭牌子蓋古方策遺意也

官年

三十年來士大夫履歷例減年歲甚或減至十餘年即同人
宴會亦無以真年告人者可謂薄俗按洪容齋四筆宋時有
真年官年之說至形於制書乃知此風由來遠矣獨寇萊公

不肯減年應舉又司馬朗傳伯達志不減年以求成則漢魏間已有之

柳條邊

哈達城在撫順東北有哈達河其東插柳結繩以界蒙古長亘千里南至朝鮮西至山海關有私越者置重典名柳條邊見高宮詹士扈從東巡日記

朝鮮疏

康熙十五年朝鮮國王李淳奏為臣先祖臣穆莊王橫被野史詆誣敢陳冤痛情節冀許刪改特示昭雪事臣五代祖昭敬王於明朝萬曆戊申歲薨逝元妃朴氏無子繼妃金氏生一子甫三歲庶子光海君瑋嗣位蓋以金氏遵先王意舍已

出而為之請於中朝得准封也光海既立聽信讒賊自生猜怨仇視母后幽閉別宮僇辱備至而戕兄殺弟屠滅諸姪殄絕彝倫無復人理內作色荒嗜慾無節外營宮室十年未已斥逐耆老昵狎羣小繁刑重斂下民嗷嗷神人咸怒宗社將墜時有金瑩李貴等以昭敬王舊臣不勝邦國危亡之憂奮發忠憤誓靖內難乃於天啓癸亥三月糾合義旅大集廷臣奔告王太妃於別宮宣教廢瑋迎立昭敬王孫綾陽君侁即臣曾祖父穆莊王也以太妃命權署國事遣使請命於明朝始不允許後乃洞察本國事情特降封典此實當時天下耳目共所聞知穆莊王匡復之烈雖不敢上擬殷周廢立之正亦可謂無愧漢宣此所以臨蒞東國二十有七年而功光

往牒業垂後裔者也。頃年陪臣之使還也，偶於沿途買得皇明十六朝紀，其中記本國癸亥年事，直以篡逆書之。其他汗孽之言，不啻狼籍。臣先父王淵自得此書，居常腐心，復慮明朝國乘復有誑謬，方擬赴愬。天朝所加釐正，不幸奄忽，齋志未伸，烝烝微臣，奉此遺戒，何敢一刻忘於中，而重哀荐禍，事有未遑，淹延遲回，遂至今日。此固臣之大罪，而亦臣之日夜啣痛者也。茲敢歷陳先祖臣穆莊王受誣事略。冀皇
上之哀憐垂察焉。其所謂十六朝紀，不知撰次者為何許人，而乃遽張訛僞，掇拾怨讒。一則曰：佞走馬試劍，謀勇著聞，常在廢君左右用事。二則曰：密約繼祖母王太妃，以救火為名，令兵入宮，甚至謂綁縛廢君，投之烈燄，喜此豈人理之所可有者乎？復有登萊巡撫袁可立侍郎畢自嚴諸人之疏，至以媾倭等語大加詆誣。夫以穆莊王之聰明仁孝，素有令聞，嗚心經術，不而謂之走馬試劍，自際昏亂，弟死讒口，屏處危懷，莫保朝夕，而謂之常在左右，金墉十年，內外隔絕，園門棘戶，穴通飲食，而謂之安約祖妃，其虛罔謬益，因已極矣。而當廢君之在位也，戮太妃之父，竄太妃之母，奪太妃懷中八歲之兒而殺之。廢君之與太妃，非特子道已絕，亦太妃父母之讎也。然而終使昌邑山陽得以自全，於放廢之日者，實賴我穆莊王泣涕愴愴，上以寬太妃，下以救羣臣，以克盡乎保護之道也。居則贍其衣食，病則濟以醫藥，矜恤之誼，始終不替。故光海君癸亥三月見廢，至辛巳七月，以天年終，葬以

壬午禮官供祭祀恩禮之厚無愧古昔彼投燄等語又何誣
妄之太甚耶至於媾倭一款尤萬萬無理日本卽小邦先世
之深仇而隔海之外種也雖強母不敵姑與之羈縻而旣是
我之仇邦又非我之匹偶今以童儒之駭僿隸之賤若指之
爲婿於倭則亦必駭然而憤怫然而怒矧以王室之親貴介
之尊寧有忽事忘恥結秦晉於異類之理哉穆莊王妃卽昭
敬王朝宰臣領敦寧府事韓復謙之女王之在邸以禮委禽
以至癸亥進主中壺與王同受天子詔命冠服而其氏族之
詳亦旣具於當時請封之奏臣不知登撫諸人何所徵據而
作此不倫之語至上誣天子也伊時遼陽旣闕登海初開中
朝聲息之流布於小邦者只是江東毛鎮一路而已小邦情
實之得達於中朝者亦只有江東毛鎮一路而已文龍方且
占據一島積貨自衛飾功行賄西面而邀勳爵憑威肆喝東
嚮而責餽餉首尾將十年矣及其驕虐日肆意欲無厭或俵
散低貨而勒取貂參或多縱黠校而盡括民產或誘斬邊民
而虛充首級西圍騷然若在塗炭穆莊王旣繼序知民不堪
義責常切彼不悛改祇益嫌釁而小邦之所以受對於文龍
者有不可以一二計則文龍之巧作蜚語肆然構誣於廢興
之際者又豈可量哉因此而督撫有奏因此而禮部有疏始
則以無罪見疑而爲憂終則以至寃將伸而爲幸上自先太
妃下至百官民庶悉舉廢君淫暴無道斃倫亂紀之罪先穆
莊王寬仁孝順天與人歸之狀或直奏於天子或呈申於當

路文龍亦反前說更上題本及其事實悉暴誣寃大伸明朝乃於天啓乙丑歲遣太監胡良輔等許准封典仍賜誥命丙寅又遣翰林院編修姜曰廣等來頒詔敕兼以錫賚恩綸洊疊昭雪無餘則環東土數千里亦既脫離覆盆而獲見天日矣不料閱歷數紀之後興亡百變之餘尚有一種傳訛未盡除於私相記載之中者也夫末俗多陂流言易訛斯固叔季之通患而齊東之人或未悉於秦雍交南之事多不詳於燕代則草野之所紀述稗家之所論著容亦有此孟浪之失矣至於任當日之記註執當日之簡策考證有據聞見亦該想不至於顛倒紕繆如野史者而倘或溺於傳說眩於去取以之而布諸天下以之而傳於後代其將爲先祖九地之寃小

邦百世之痛者爲何如哉今臣仄聞天朝方修明朝史書其於傳信紀實之際必有以正訛釐舛以成一代之正史小邦呼籲此正其時茲專差陪臣福君李栴議政府叅贊鄭哲等畢陳卑悃仰瀆天聰伏乞皇上特命修史諸臣細考明朝行查始末及小邦前後甲奏刪除註誤快許瀟雪以示勸懲以裁成永世之令典仍將印本宣賜小邦則非但小邦今日君臣受恩啣結糜粉是期抑臣之先祖先父亦將感泣於冥冥之中矣臣不勝大願謹具奏聞

特賜諭

本朝最重易名之典官至尚書大學士乃得賜諡近惟翰林院掌院學士喇沙里公以講筵舊勞又勤王事以死特

贈禮部尚書諡文敏掌院學士葉公方藹以講筵舊勞特
加禮部尚書尋遷刑部侍郎仍帶掌院學士加禮書舊銜卒
亦諡文敏掌詹學士沈公荃亦以講筵舊勞加禮部侍郎仍
掌府事卒諡文恪皆異數非常例也

諡典

古易名之典太常博士議之吏部考功奏行之有未允者所
司駁之其重如此明掌於禮部本則內閣典籍司之每
一人擬入諡或六諡以上內閣閣臣其三四進呈御覽
欽定其一

琉球世續圖

琉球國或云流求或云雷求自元已前不通中國明洪武五

年中山王察度始遣使入貢入本朝為屬國職貢不絕然

紀載諸書不詳其世次予門人汪翰林舟次楫使琉球歸作

中山沿革志進呈御覽云世系沿革彼國有厲禁秘不以

告多方購得琉球世續圖一卷今譯者以漢文釋之知其國

自南宋始稱王元延祐間國分為二中山山明宣德時復合

為一明初山南王承察度山北王自宋及今代已四易所謂

姓歡斯者無據謂皆尚姓者亦非也世續圖載之如左○大

琉球國中山王舜天以來世續圖○舜天舜馬順熙義

本英祖大城英慈王城二城或西威察度始通

武寧尚思紹尚巴志尚忠尚思達尚金福尚

泰久尚德尚圓尚宣威尚真尚清尚元尚

永 尚寧 尚豐 尚賢 尚質 尚貞 卽今襲封世子

題名碑

劉公嘉話錄慈恩寺題名起於進士張莒題姓名於雁塔下後書之於版遂為故事宋龐文英文昌雜錄云本朝進士題名皆刻石於相國興國兩寺趙昇朝野類要云進士及第各集鄉人於佛寺作題名鄉會起於唐之慈恩寺塔也予按進士題名列諸梵刹於義無取至明乃立題名碑於國學題名記或學士或祭酒撰其典始重永樂壬辰巳前在南雍今京師太學持敬門內諸碑則自永樂十四年丙申科始至崇禎十六年癸未科止螭首龜趺星羅林立一代之鉅觀也本朝最為右文而題名碑止順治丙戌一科丁亥已後無之當時不知何故廢而不舉後遂相沿此闕典也

土地

今吏部禮部翰林院衙門土地祠皆祀韓文公明南京吏部土地祠則祀蹇忠定公

池北偶談卷三目錄

談故四之三 凡五十則

太學題名碑

祭禹陵

翰詹之長

正副考試官

七品銜

狀元出典鄉試

蜀學

廣文

印文

癸未

八股

督捕

特旨內陞

考選

結銜

漢軍漢人

義王

義字諡

閣諡

詹事府

臣下私諱

宰輔編年錄

賜御筆

講筵問答

于成龍陸龍其

宋官制

國朝官制

宋四聖御押

宋祠祿

大學士兼尚書

學士大拜

學士兼侍郎

讀卷

先授編檢科道

國朝狀元

三國貢物

國書之制

試卷稱名

伐木

優老

賜宴褒忠

御製詩

善果寺 御書

乘肩輿

兼銜

宮銜

謁陵詩

安南始末

周禮部使交趾詩

林舍人使琉球詩

卷三目畢

池北偶談卷三

談故

—— 濟南王士禎阮亭著——高都姪廷掄簡菴較——

太學題名碑

予前記本朝國學進士題名碑未立為闕典官祭酒時欲疏請未果丁卯御史言之禮部覆疏允行按水東日記云內官阮安督工建太學時悉取前元進士碑磨去刻字今三年一立石皆是物也此雖與五代時劉鄩守長安取古碑甃城事微不同然古蹟湮沒亦可惜也

祭禹陵

康熙己巳二月 上巡幸武林因渡錢塘親謁大禹陵諭

總督侍郎臣王隲曰朕巡行江表細懷禹德躬率羣臣展祭陵廟顧瞻殿宇圯頽禮器缺略人役寥寥荒涼增歎愚民風俗崇祀淫祠俎豆馨香奔走恐後宜祀之神反多輕忽朕甚慨焉自昔帝王陵寢理應隆重培護况大禹道冠百王身勞疏鑿奠寧率土至今攸賴豈可因循特書地平天成四字懸之宇下着地方官卽加修理畢備儀物守祀人役亦宜增添俾規模弘整歲時嚴肅兼賜銀二百兩給與守祀之人此後益令敬慎地方官亦須時爲留心以副朕尊崇遐慕之懷其卽遵諭行蓋是行原因視河故於禹陵特加崇重如此

翰詹之長

康熙二十七年掌詹事府事禮部尚書湯公斌改工書以禮部左侍郎張公英兼管詹事府事二十八年翰林院掌院學士李公光地調通政使以文華殿大學士兼戶部尚書徐公元文兼管翰林院事皆不設正員其後張公以禮書兼掌翰詹二衙門事

正副考試官

舊例翰林給事中同爲考試官則翰林爲正給事爲副吏部與五部同爲考試官則吏部爲正五部爲副獨康熙壬子科戶部郎中郭昌吏部主事彭襄同主廣東試以郭爲正彭爲副以郎中主事爲副序不論衙門辛酉科工科給事中許承宣予門翰林院編修汪霏同主陝西試以許爲正汪爲副今丙子科福建鄉試亦以給事中党聲振爲正檢討王者臣爲副者臣予門人此出

偶然非故事也。

七品銜

宋制見任官得應制科文官許二次武官一次謂之鎖廳國朝惟內閣中書舍人真監出身者許應鄉試舉人出身者許應會試他卽無之近江寧黃虞稷慈谿姜宸英以諸生薦入館修史特加七品服俸覃恩得以其品馳封父母而實未授官也。

狀元出典鄉試

舊例詞林第一甲一名及第者止充會試同考官不出典各布政司鄉試自康熙己酉科己亥狀元徐元文以侍讀典陝西試甲辰狀元嚴我斯以修撰典山東試始變常例其後壬子科庚戌狀元蔡啓傅典順天試乙卯科癸丑狀元韓菼典順天試丁巳科丙辰狀元彭定求典順天試辛酉科己未狀元歸允肅典順天試丁卯科乙丑狀元陸青堂典江西試遂沿爲例。

閣學

明殿閣詞林記有殿學閣學詹學翰學之名國朝閣臣大拜祇稱中堂或稱相公而內閣學士則稱閣學按葉石林避暑錄云宣和末陳亨伯以捕方賊功進龍圖閣直學士稱龍學顯謨徽猷二閣直學士欲效之而難於稱謨學猷學乃易爲閣學此稱閣學之始。

廣文

唐宋以來仕宦多乞鄉郡以便養猶有古意明代始不得官
本籍至廣文寒官亦有越在萬里者本朝廣文皆銓本直
省但不仕本郡耳

印文

明嘉靖中大同五堡之變失總兵官所佩征西前將軍印職
方請給新印海鹽鄭端簡公時為主事議改印文柳葉篆或
稱別將軍或增減其字以防詐僞且言胡忠安公在禮部失
行在禮部之印改鑄易為行禮部印此在內衙門且然況邊
鎮兵權又反側不靖時耶近用兵諸省恢復地方請印吏科
給事中趙之符亦有此請部議未行然識者避之

癸未

永樂癸未初卽位天順癸未南省火皆改於明年會試至崇
禎朝六會試竟以癸未終此亦數也

八股

永熙二年以八股制執始於宋王安石詔廢不用科舉改
二場爲二場首場策五道二場四書五經各論一首表一道
川語五條起甲辰會試迄丁未會試皆然會左都御史王公
疏請酌復舊章予時爲儀制員外郎乃條上應復者八事
復三場舊制其一也尚書錢塘黃公機善之而不能悉行乃
止請復三場及寬民間女子裹足之禁教官會試五次不中
者仍准會試三事皆得 兪旨餘五事後爲臺省次第條奏
以漸皆復如寬科場處分條例復恩拔歲貢復生童科歲兩

考等是也

督捕

督捕衙門始兵部兼攝之順治甲午尚書王公未吉奏增設兵部督捕衙門滿漢左右侍郎各一員滿漢司官各六員後以太僕寺少卿協理旋改左右理事官秩四品視常僕少卿壽光魏昭華字以大理寺卿首遷督捕侍郎後以建言徙塞外卒至康熙三十八年復裁事歸刑部

特旨內陞

順治初太子太保永昌王公弘祚以戶部郎中修賦役全書加太僕寺卿書成陞本部侍郎至尚書其後工部營繕郎中霍叔瑾以大工加僕少至通政使順治乙未科予舉南宮之歲

洪士銘以經略輔臣文襄公子耿效忠以靖南王子世祖特旨留部又特旨以京堂內陞洪以儀制郎中遷太常少卿遷太常卿耿以武選郎中遷太僕少卿至順天府尹

考選

黃訓讀書一得云羅豫章文質公撰遵堯錄稱宋仁宗明道中宰相欲除二親故為正言司諫帝謂祖宗法度臺諫官須宸選若自大臣除則大臣過失誰敢言者仁宗此言可以為萬世法

結銜

輟耕錄云中書右丞相伯顏所署官銜計二百四十二字明天啓中魏闈擅權倣縉紳為內官便覽首列已銜亦至二百

許字古來權奸如出一轍勺中志略云天啓中凡司禮監題
本年月之下上層排臣王體乾臣魏忠賢下層排梁棟李永
貞石元雅涂文輔諸人及刻內臣便覽體乾復讓忠賢居首
特高一字

漢軍漢人

本朝制以八旗遼東人號爲漢軍以直省人爲漢人元時則
以契丹高麗女直竹因友竹亦友木里闊友竹溫勃海八種
爲漢人以中國爲南人

義王

孫可望與李定國皆張獻忠義子旨張姓號東府西府後獻
忠敗死俱走入滇二人以爭權積不相能可望戰敗乃降

世祖皇帝方以文德柔遠封可望義王世襲賜第東長安門
外可望死其子徵灝襲封康熙十二年臺省以爲言下諸王
大臣九卿會議降封義公改慕義公蜀綿州鹿頭關龐士元
祠可望重修有石坊大書僞銜柱國太師兵部尚書凡數百
字猶稱張可望云

義字諡

明大學士高公穀諡文義二百七十年諡義者止此一人本
朝順治初大學士德州謝公陞卒諡清義

閣諡

本朝諡法閣臣不由翰林皆得諡文如洪公承諡文襄宋公
權諡文康王公永金公吉之皆諡文通孫公廷諡文定衛公周

諡文清李公之芳諡文襄皆非翰林也

詹事府

國朝順治中設詹事府皆以漢人翰林官兼之止設滿洲詹事一員康熙初省十四年十二月十三日立皇太子府復設自詹事至正字滿人漢人各一員而滿人不兼翰林官初詹事府與九卿議政之列初設時失考故事久之乃復詹事次通政使大理卿之下少詹事次左右通政大理少卿之下然故事詹事與學士俱爲實錄等副總裁侍經筵今則有已遷正詹而仍爲纂修者御史言之竟未釐正二十二年沈宮詹繹堂荃移文吏部爭之是年春講始侍經筵矣

臣下私諱

晉咸和三年拜王舒爲撫軍將軍會稽內史舒疏父名會乞換他郡朝廷乃改會作郟宜城有夷水以桓溫父名彝改蠻水後唐同光三年以郭崇韜父名弘改弘文館爲崇文館長興四年以馬贊父名不欲斥其家諱改同平章事爲同中書門下三品南唐元宗以董思安爲漳州刺史思安辭以父名章特命改名南州又後主嗣位以鍾皇后父名太章尊后爲聖皇后於禮君所無私諱爲臣下諱失禮意矣

宰輔編年錄

宋宰輔編年錄宋太常博士朱嘉徐自明撰起建隆庚申迄嘉定乙亥凡二十卷明呂邦耀又爲續錄起嘉定九年迄祥興二年凡二十六卷明雷鄭王李諸公各撰公卿等表吳郡

許重熙又為殿閣大臣年表近予從姊夫益都高梓嘗為續表迄南渡乙酉而止惜其無年著書散佚殊可惜也

賜御筆

康熙丁巳夏以御筆格物二大字清慎勤三大字石刻

賜日講官翰林院學士陳廷敬侍讀學士葉方藹侍講學士張英尋又賜英忠恕存誠等墨蹟又賜詹事府詹事沈荃龍飛鳳舞忠恕等墨蹟大字

講筵問答

丁巳春夏上日御弘德殿講書是時初進講通鑑講義上每先自講一過德音清朗義理貫徹每有詰問皆出意表一日問諸葛孔明何如伊尹陳學士_{廷敬}對以諸葛亮三代

王佐伊尹之亞

上問諸葛亮成就如何比得伊尹陳對

以所遇之時不同葉讀學_{方藹}對云伊尹聖人諸葛亮大賢大

抵伊尹可比孔子諸葛亮可比顏淵上首肯一日講博

學之節上云知行孰重葉對云宋臣朱熹之說以次序

言則知先而行後以功夫言則知輕而行重上云畢竟

行重若不能行則知亦空知耳又一日講一日暴之節

上云古來君子小人不並立君子進則小人退小人進則君

子退一定之理孟子此語說得最好

于成龍陸龍其

近日廉吏方面有黃州知府于成龍有司則嘉定知縣陸龍其于永寧人貢士陸平湖人庚戌進士陸後禎靈壽知縣

特名爲御史于爲 上所深知數年中歷藩臬司使巡撫
順夫辛酉歲入見賚予甚厚 上親製詩賜之有郊圻王
化始鎖鑰重臣膺之句尋擢兵部尚書總督江南江西

宋官制

宋初至元豐以前官制最爲繁猥六部九寺皆爲空官持以
寄祿秩序班位而別以他官判職事如兵部事歸樞密院戶
部工部歸三司設審官院三班院流內銓判吏部之事設判
禮部判貢院判禮部之事設判審刑院及詳議官判刑部之
事又有使有權使有權發遣使之名他如太常歸判司禮院
太僕歸羣牧司鴻臚歸客省之類官自官職自職名實舛互
范文正公在政府奏言今六尚書九卿之職皆權知權判無

一正官并是權假數易無定莫安其職如欲復三公九卿六
尚書之任則體大難舉願且命兩地輔臣兼領綱要仿周官
三公下兼六卿如召公領冢宰芮伯領司徒畢公領司馬遺
意又雜引漢制三公分部九卿唐太宗時宰相兼職字以爲
證又條列審官流內銓三司司農寺羣牧司國子監太常禮
院三班院殿前馬步軍司審刑院大理寺刑部等職事并令
兩府兼判云然以宰執分判六卿九寺更爲侵官至元豐新
制行六部置尚書侍郎而各以郎官屬焉九寺各置卿少卿
及丞簿之屬爲寺監官國子監置祭酒司業及丞簿之屬爲
學官又有御史臺有兩省通謂職事官以唐文散階換部寺
省監官歸釐本職如以金紫光祿大夫易吏部尚書銀青光

祿大夫易五部尚書正議大夫易列曹侍郎之類通謂階官而食其俸卽明制所本也但明制以六部合都察院通政司大理寺謂之九卿與詹事府俱得會議大政而太常太僕以下爲小九卿本朝官制率沿明舊特於六部外設督捕隸兵部置滿漢侍郎各一員理藩院尚書一員侍郎二員又設宗人府正令以覺羅爲之府丞一員以漢人或漢軍爲之秩在副都御史下通政使大理卿上又設啓心郎二員以烏金超哈爲之後卽古之宗正也順治十六年裁去尚寶寺迄今未置震澤長語云宋制所謂官乃古之爵也所謂差遣乃古之官也所謂職乃古之加官也

國朝官制

國初內三院滿洲大學士謂之榜式烏金超哈官大學士亦

稱榜式如范文肅公甯文毅公是也六部初不置尚書率以貝勒管部事置侍郎以佐之有滿洲漢軍卽烏金超哈漢人各二員後置尚書久之又省去漢軍侍郎定爲滿漢尚書各一員侍郎各二員漢軍亦有爲漢侍郎者滿洲郎中員外郎初稱理事官副理事官後乃改從漢官之稱准協理兵部督捕太僕寺漢少卿二員改稱理事官科道初亦稱理事後改同漢人俱稱給事中御史云

宋四聖御押

格物要論載王魯齋押字跋云予觀司馬文正公之押署名而小花精神風致自然見於誠意之表唐末五季諸人押字莫不怪詭飄揚傾欹放蕩宜亂亡之相尋也昔人重押字至

有蒼萃刻石以傳者孫文定公延顏山雜記載鳳皇山玉皇宮宋藝祖以下四聖御州惟仁宗泐闕因摹於此藝祖與太宗文真宗宅

宋祠祿

宋士大夫多領宮觀食其祠祿予嘗以問葉讀學初菴方葉云宋置宮觀官罷官者領之俾食其祿亦宋朝忠厚之一端也予考之不然神宗熙寧二年王安石爲參知政事創制置三司條例司始行青苗均輸等法出呂誨范純仁錢公輔鄭獬等於外罷富韓公弼平章事是年始增置宮觀官丘文莊公世史正綱云王安石行新法而欲去異議者彼皆先朝舊臣素有聞望一旦去之無名乃爲祠祿處之不知所爲宮觀者所業何道爲之使者所治何事而一時士大夫甘心受其豢養何耶此蓋安石增置之法非祖宗故事然終宋之世不改亦不興甚矣

大學士兼尚書

國朝入閣皆仍兼尚書銜惟康熙初益都孫文定公柏鄉魏公前後俱以吏部尚書大拜而不兼尚書其後復改內三院爲內閣魏公得兼禮部尚書文定則告歸久矣

學士大拜

本朝以學士大拜者二人高陽李公丙戌進士戊戌大拜兼工部尚書孝感熊公戊戌進士乙卯大拜兼刑部尚書李年三十四熊年四十一

學士兼侍郎

瑣綴錄正統中陳高曹甫皆遙授各部侍郎仍供事翰林一時以為館閣盛事今內閣學士掌院學士例皆兼禮部侍郎不為異典矣

讀卷

今內閣九卿讀卷但擬十卷呈御覽各以首卷進呈候旨命讀則讀不命則否水東日記載景泰辛未廷試日陳閣老得三卷向南房紙窻圈點云則是明制讀卷官亦著丹黃今無此制矣又九卿但論衙門不論官之崇卑如己未魏雙鳳以督捕理事官壬戌科張鵬以通政司叅議皆得讀卷而宗人府丞太常卿等三品例不與翰林講讀學士多為收掌

官於事體殊未當也

先授編檢科道

世祖皇帝最重庶吉士每親自考較乙未館選丙申特先授漢書庶吉士王益朋王命岳等官六科給事中監察御史內祚遠授吏科給事中尋以族祖大學士正宗嫌改吏部主事戊戌館選己亥御試於南海子特先授清書庶吉士馬晉允富鴻業後改鴻基等十人為編修檢討而陳敬北通州人與今說嚴禮侍同名皆同館也說嚴尋奉旨加延字殷觀光二人革職皆非散館故事

國朝狀元

國朝狀元多不永年中間惟丙戌傅閣學以漸丁亥呂閣學宮大拜卒己丑劉修撰子壬辰鄒修撰忠倚戊戌孫修撰承辛丑

馬侍讀^世皆不數年而歿豈氣數爲之耶孫修撰之歿世祖章皇帝深悼惜之賜白金三百兩歸其喪蓋曠典也

三國貢物

康熙丁未夏荷蘭國甲婁吧王油煩嗎綏極遣陪臣卑獨攀呵閏等入貢內有刀劍八枚其柔繞指旃檀樹四株各長二丈許西洋小白牛四高一尺七寸長二尺有奇白質斑文項有肉峰荷蘭馬四銳頭卓耳形態殊異又玻璃箱牡丁香哆囉尼絨之屬是歲暹羅國王森烈拍臘照古龍拍臘馬嘑陸坤遣貢使握坤司答喇耶邁低禮貢六足龜孔雀駙象等物回國貢牛三角三日云

國書之制

本朝文移書疏之制國書則自後而前漢書則自前而後凡宮城榜書率用清漢蒙古三體按草木子載元朝行移文字漢字自前而後蒙古字自後而前畏吾兒字則橫書之

試卷稱名

宋呂申公試卷中自稱名王柏題其後謂古意尚存盛如梓云淳化中立糊名之法祥符中立謄錄之制則又在申公之前矣

伐木

江南造戰艦下令郡縣伐木洞庭民家婦嫗止一女縣吏至其家伐木復令具舟送木至郡旣至郡候縣府道院查驗動淹旬月姬計無所出乃粥女以償諸費施彥執爨輟錄載宋

創都錢唐需林木甚大所在鼎沸鄧光祖知數州殊不經意徐集各里正以朝廷所降木色丈尺人予一紙令各具界中寺廟館驛官道木與所降色樣合者供之既供令匠往視皆合令里正自伐官特予糧須與木大集民間毫無所苦康熙二十一年以太和殿大工凡楚蜀閩粵產木之地皆差部員往採明旨嚴禁騷擾姚給事濮陽疏請禁伐祠廟冢墓間樹得旨允行仁人之言其利溥哉

優老

通政使司叅議虞虞山世璣雲南昆明人以書受知世祖皇帝特授光祿寺署正供奉內庭康熙十六年世璣年八十餘上念其先朝舊臣特自光祿寺丞擢本寺少卿遷

通叅久之御史或言其老病不任職

上特令以禮致仕

仍給全俸二十一年雲南平世璣疏辭俸祿且乞骸骨特

賜白金三百兩馳驛回籍途次貴州病卒

賜宴褒忠

康熙二十一年壬戌正月上元賜羣臣宴於乾清宮異

數也凡賜御酒者二大學士尚書侍郎學士都御史皆

上手賜通政使大理卿以下則十人為一班分左右列命

近侍賜酒且諭醉者令宮監扶掖獨光祿卿馬世濟以文

鎮公雄子右通政陳汝器以贈兵侍前福建巡海道副使秦

子特名至御座側賜酒上之褒忠優厚如此翌日

上首唱柏梁體昇平嘉讌詩詩別羣臣繼和汝器句云勵節

褒忠感 賜觴蓋紀實云

御製詩

御製登城詩云城高千仞衛山川虎踞龍盤王氣全車馬往來雲霧裏民生休戚在當前真帝王詩也

善果寺 御書

世祖御書賜弘覺禪師云洞房昨夜春風起遙憶美人湘江水枕上片時春夢中行盡江南數千里唐人岑參詩也在都城西善果寺

乘肩輿

本朝順治初漢人京官亦多乘馬予壬辰計偕入京師見高郵王文通公每入朝皆乘馬其後始易肩輿三品以上用四人肩輿四品以下則二人耳然旗下大官例乘馬無肩輿有之自近年始宋朝野類要云百司出局人從先報上馬者蓋舊禮只是乘騎自中興以來始得乘肩輿也建炎朝野雜記云東都舊制耆德大臣或宗室屬近行尊者特旨許乘肩輿建炎初上以維揚輒滑謂大臣曰君臣一體朕不忍使羣臣奔走危地可特許乘輜塵史謂唐時宰相乘馬五代始用檐子本朝近年惟文潞公以太師平章軍國重事司馬溫公始爲門下侍郎尋臥疾就拜左相不可以騎二公竝許乘檐子皆異恩也外官肩輿不用帷蓋蓋古褰帷之意今惟江寧開封督撫司道府廳縣官皆用煖輜蓋沿宋明都城之制至今未改耳

兼銜

翰林官遷吏部侍郎例兼翰林院學士至尚書則否其特用
為他部侍郎者亦不兼學士近如李容齋景遷戶侍項眉山
襄景遷兵侍皆不兼銜惟葉文敏方以翰林院掌院學士
兼禮部侍郎加禮部尚書管刑部侍郎事前此未有也又杜
肇餘臻以吏侍兼翰林學士服闋補刑侍遂不兼銜及再遷
吏侍亦不復兼學士則銓部之疎也甲子秋冬嚴存菴我以
詹事府少詹事董默菴訓以翰林院侍講皆超遷禮部侍郎
則兼翰林院侍讀學士其後王子言昌以正詹遷禮侍亦止
兼侍讀學士庚午予自少詹遷副都御史又遷兵侍亦不復
兼學士銜矣

宮銜

康熙元年已後大臣無加宮銜者惟閣臣高陽寶坻臨朐三
公以世祖皇帝實錄成晉宮銜其後宛平漢陽長洲三
公以太祖實錄聖訓告成亦晉宮銜甲子四月刑侍南
宮宋公文以老病乞休上嘉其廉慎特加太子少保致
仕丁卯四月巡撫直隸僉都御史于公成亦加太子少保皆
異數也

謁陵詩

康熙辛酉二月 上謁 孝陵諸公卿三品已上皆從多
賦詩紀事刑書蔚州魏公環溪象一詩極令人感動詩曰薊
門西望望皇畿共侍 鑾輿展謁歸禮罷陵門雲自闔夢迴

寢殿淚頻揮，老臣將去填溝壑。何日重來拜翠微，廿載承恩無寸補。鐘鳴漏盡尚依依，予謂五六句最沁人心脾。然是後漢宦者張讓語耳。

安南始末

安南入 本朝順治初，莫敬耀來歸，未受爵而卒，授其子元清爲都統，使居高平。黎維禔亦來歸，未受封而卒。康熙三年，遣編修吳光、禮部司務朱志遠，諭祭維禔。五年，遣侍讀學士程芳朝、禮部郎中張易賁，冊封其子維禔爲安南國王。六年，維禔奪元清高平地，遣侍讀李仙根、兵部主事楊兆傑，諭還之。粵西孫延齡、馬雄叛，元清負恩，助逆病死。其弟敬光爲黎氏所討，來奔，令地方官送歸本國，死於泗城土府，爵除。

維禔死，弟維禔嗣。維禔死，弟維禔嗣。康熙二十二年，遣侍讀明圖、編修孫卓，冊封維禔爲安南國王。仍賜御筆扁額，忠孝守邦四大字。又遣侍讀鄔黑、禮部郎中周燦，諭祭兩故王維禔、維禔，二禮並舉，稱盛事云。

周禮部使交趾詩

周禮部星公燦 陝西臨潼人。自安南使歸，有詩一卷，頗見風土。粗載數首於此。諒山南去萬峰稠，細雨深林石徑幽。一水隨人千百折，中宵勒馬問安州。夜抵安州 回首燕臺不計程，空山坐待月初生。乾坤自是無遺照，行盡天南一樣明。見一 枝挺出森青玉，兩葉分披展綠雲。名是千秋兼可噉，長栽籬落護山村。千秋草 四圍山色映晴嵐，此地交人號格甘。竹樹參差

冬稻熟風光觸目似江南茶山滄江岸上有荒祠移葉棉枝

近水澹短柱高龕雙錦鶴國俗祠廟以木報功異域禮同之

黎英王交之宸翰親揮日月光書鳳篆照遐荒交人奉比

功臣城鎮人義文畫首出中天頌聖皇其六才名奕奕世無雙三譯常

思戴上邦別後懷君何處是寒風落日富良江斷別阮司馬

儋州會憲廷素關門曉日拜天顏得識南郊青瑣班記得

深林風雨夜多君相伴出茶山苗別阮廷柱武維臣翠幹森

森傍水涯稍垂雀尾亂紛拏秋來結就檳榔果交子逢人代

煮茶檳榔衣冠文物重南疆何事關名太不祥題曰畏天思

此義萬年帶礪控炎荒易鬼門關周順治己亥進士庶吉士

林舍人使琉球詩

康熙甲子莆田林舍人玉巖嶺使琉球歸有竹枝詞一卷與

周禮部同時示予并錄數篇以誌本朝文物之盛云手持

龍節渡滄溟璀璨宸章護百靈清比胡威臣所切觀風先

到却金亭明使臣徐福當年採藥餘傳聞島上千孫古每逢

并服蘭閣問欲乞羸秦未火書日斜沙市趁虛多村婦青筐

藉綠莎莫惜壽花無酒盞人歸買得小紅螺足練明河牛斗

橫瑟瑟衙鼓欲三更思鄉坐擁黃紬被靜聽盤窗蜥蜴聲蜥

能鳴聲三十六峰瀛海環怒潮日夜響潺湲樓西一抹青林


裏露出煙蘿馬齒山射獵山頭望海雲割鮮荆酒醉斜曛紙

錢挂道松楸老知是歡斯部落墳心齋生白室能虛棊几焚

香把道書讀罷憑闌笑幽獨蔭牆西角對棕櫚廟門斜映虹

橋路海鳥高巢古柏枝自是鳥夷知向學三閭天屋祀宣尼
王居山第兔園開松檉棕花倚石栽多少從官思授簡不知
若箇是鄒枚奉神門內列鷓行乞把天書鎮大荒喚取金
滕開舊詔休傷感泣說先皇闕宮費楠壓山原將享今看
幾葉孫二十七王禋祀在釐圭錫齒兒君恩譯章會記薜
都夷槃木白猿歸漢時何似島王懷聖德工歌三拜鹿鳴
詩宗臣清俊好兒郎學畫宮厝十樣粧翹袖招要小垂手簪
花何帽舞山香望仙樓閣倚崔嵬日看銀山十二回笙鶴綵
雲飛咫尺不教弱水隔蓬萊緘腰馬上側乘騎草園銀釵折
柳枝連臂哀歌上靈曲月明齊窈女君祠久稽異域歲將徂
白笑流連似賈胡三老亦知歸意速時時風色相銅鳥林康

熙庚戌進士與林同使者爲汪檢討舟次楫別撰中山沿革
志若干卷進呈御覽二君皆尋門人也



洪武仙傳

